



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DAVANJU SAGLASNOSTI ZA POTPISIVANJE SPORAZUMA O
SUFINANSIRANJU PROJEKTA „SANACIJA I RESTAURACIJA FASADE
ZGRADE NARODNOG POZORIŠTA U SARAJEVU“
(Prijedlog)

Predlagač: Gradonačelnik
Obradivač: Služba za urbano planiranje,
investicije, stambene i komunalne poslove

Sarajevo, januar 2025. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na __. sjednici održanoj dana __. __. 2025. godine, donijelo je:

(Prijedlog)

**ODLUKU
O DAVANJU SAGLASNOSTI ZA POTPISIVANJE SPORAZUMA O
SUFINANSIRANJU PROJEKTA „SANACIJA I RESTAURACIJA FASADE
ZGRADE NARODNOG POZORIŠTA U SARAJEVU“**

Član 1.

Gradsko vijeće Grada Sarajevo daje saglasnost gradonačelniku Grada Sarajeva da potpiše sporazum o sufinansiranju projekta „Sanacija i restauracija fasade zgrade Narodnog pozorišta u Sarajevu“ sa Ministarstvom kulture i sporta Kantona Sarajevo i Javnom ustanovom Narodno pozorište Sarajevo.

Član 2.

Gradska služba za urbano planiranje, investicije, stambene i komunalne poslove će nakon završetka radova izvršiti primopredaju radova krajnjem korisniku Javnoj ustanovi Narodno pozorište Sarajevo, dok će Gradska služba finansija iz svojih poslovnih knjiga isknjižiti sredstva koja se vode kao sredstva u pripremi, a u skladu sa računovodstvenim propisima u Federaciji Bosne i Hercegovine.

Član 2.

Ova odluka stupa na snagu danom donošenja, a bit će objavljena u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:

Sarajevo, __. __. 2025. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) koji definira da Gradsko vijeće donosi odluke, druge propise i opće akte i daje njihovo tumačenje.

OBRAZLOŽENJE

Obnova fasada na objektima od kulturno-historijskog značaja predstavlja važan korak u očuvanju naše bogate kulturne baštine. Dosadašnje aktivnosti Grada Sarajeva na obnovi fasada dobile su veliku podršku javnosti. Vlada Kantona Sarajevo je na 56. sjednici održanoj dana 26.12.2024. godine donijela Odluku o davanju saglasnosti na tekst Sporazuma o sufinansiranju projekta „Sanacija i restauracija fasade zgrade Narodnog pozorišta u Sarajevu“. Sporazumom se definira sufinansiranje projekta od strane Ministarstva u iznosu od 1.200.000,00 KM, a Grad Sarajevo se obavezuje obezbjediti stručni nadzor nad izvođenjem radova i eventualno obezbjediti, ukoliko bude potrebno, dodatna sredstva. Narodno pozorište je izradilo projektnu dokumentaciju za obnovu fasade zgrade Narodnog pozorišta u Sarajevu, čija projektantska vrijednost iznosi cca 850.000,00 KM bez uračunatog PDV-a.

Ovom odlukom daje se saglasnost gradonačelniku Grada Sarajeva da potpiše sporazum sa gore navedenim institucijama. Shodno navedenom, predlaže se Gradskom vijeću Grada Sarajeva usvajanje ove odluke.

FINANSIJSKA SREDSTVA

Za realizaciju ove odluke potrebna su finansijska sredstva koja su planirana u Budžetu Grada Sarajeva za 2025. godinu.